

Delegacion Arubano presente na despedida di e músico Dominico Herrera



ORANJESTAD

Diamars atardi na Corsow a tuma lugar despedida di e gran pianista y músico, compositor Dominico Herrera. Un delegacion Arubano, encabezá pa Minister di Cultura dr. Lilli Beke Martinez, a asistí na e ceremonia na misa di Coromoto.

Durante e ceremonia tanto Minister Beke como Padú Lampe a hiba palabra den misa.

Hopi comentario tabatin di esnan presente cu Aruba a sa di duna un bon representacion pa loke Dominico Herrera a nificá pa e pueblo Arubano.

Remarcable ta cu solamente Minister Beke y e mandatario di Boneiro, Jopie Abraham, a hiba palabra y ningun mandatario di Corsow. Padú del Caribe a duna un bunita homenaje musical cu su grupo di Aruba den misa. Awe nochi lo pasa un reportahe na Tele-Aruba, presentá pa Ministerio di Cultura. □